

मार्निंग डोगरी न्यूज़ बुलेटिन, समे. **09-20** Hrs

<><><><><><>

Headlines

1. उपराज्यपाल मनोज सिन्हा होरें पहलगाम च नुनवान आधार शिविर दा दौरा लाया ते श्री अमरनाथ जी दी यात्रा पर औने आले श्रद्धालुएं गी दित्ती जा'रदी सहूलतें दा जायजा लैता।
2. जम्मू दे भगवती नगर आधार शिविर थमां 7 ज्हार 541 श्रद्धालुएं दा इक होर जत्था श्री अमरनाथ जी दी यात्रा लेई घाटी लेई रवाना।
3. प्रधानमंत्री हुंदे सलाहकार तरुण कपूर होरें जम्मू कश्मीर दी विकास यात्रा बारे समीक्षा कीती ते मुख्य-मुख्य परियोजनाएं दा जायजा लैता।
4. बीआरओ दे चीफ इंजीनियर होरें उपमुख्यमंत्री सुरिन्दर चौधरी हुंदे कन्नै मलाटी कीती ते जम्मू खित्ते च इसलै जारी शिड़क परियोजनाएं लेई जानकारी दित्ती।
5. जम्मू कश्मीर विधानसभा दी पब्लिक एकाउंट्स कमेटी दी बैठक लाइयै घर-मकानें ते शैहरी विकास सरबंधी मैहकमे दे आडिट पारस पर चर्चा कीती।

<><><><><><>

LG-Nunvan Visit

उपराज्यपाल मनोज सिन्हा होरें पहलगाम च नुनवान आधार शिविर दा दौरा लाया ते श्री अमरनाथ जी दी यात्रा पर औने आले श्रद्धालुएं गी दित्ती जा'रदी सहूलतें दा जायजा लैता। इस मौके पर उपराज्यपाल होरें श्रद्धालुएं, सेवाएं देने आले, लंगर सेवादार ते साफ सफाई करने आले कन्नै गल्लबात कीती। उपराज्यपाल होरें इस पवित्र यात्रा दे रमानदारी ते बवस्थित ढंगै सिर चलाने लेई सब्बने मुत्तलका धड़ें गी सराहना कीती। अपने दौरे दरान उपराज्यपाल होरें प्रशासनिक ते सुरक्षा अधिकारिएं कन्नै बैठक लाइयै सुरक्षत ते रमानदारी आले ढंगै सिर यात्रा जकीनी बनाई रखने आले उपाएं बारे बी चर्चा कीती।

<><><><><><>

Amarnath Yatra

जम्मू दे भगवती नगर आले आधार शिविर थमां 7 जहार 541 श्रद्धालुएं दा 7मां जत्था सख्त सुरक्षा बंदोबस्ते हेठ अज्ज बडलै घाटी लेई रवाना होआ। एह श्रद्धालु 309 गडिडएं दे काफले च सुआर होइयै अगड़र यात्रा लेई रवाना होआ। अज्ज आले जत्थे च 5 जहार 516 मर्द, इक जहार 765 महिला, 39 बच्चे, 221 साधु ते साधवियां शामिल हे। 3 जहार 321 श्रद्धालु बालटाल लेई ते 4 जहार 220 पहलगाम रवाना होए। कल 23 जहार 857 श्रद्धालुएं बाबा बर्फानी दे दर्शन कीते। अजें तगर कुल 93 जहार थमां मते श्रद्धालुएं भ्रमरनाथ जी दी पवित्र गुफा दे दर्शन करी चुके दे न मे मेद ऐ जे अज्ज उह आंकड़ा इक लख गी पार करी जाग।

<><><><><><>

LG-GPC Delegation

जिला बारामुला दी गुरुद्वारा प्रबंधक कमेटी दे इक प्रतिनिधिमंडल नै उपराज्यपाल मनोज सिन्हा हुंदे कन्नै मलाटी कीती। इस दरान सिक्ख समुदाय दे कल्याण ते उंदे सशक्तिकरण सरबंधी केइं मामलें पर चर्चा होई, एहदे अलावा एसआरओ 425 दे लाह नान माइग्रेंट सिक्ख समुदाय गी बी हासल होने आला सियासी नुमायंदगी दे आधार पर एसटी स्टेटस जेएंडके सिक्ख विकास बोर्ड दा गठन बगैरा जनेह मामले पर चर्चा होई। उपराज्यपाल होरें प्रतिनिधिमंडल गी गी भरोसा दोआया जे जायज मंगें पर लोड़चदी ते बनकदी कारवाई कीती जाग।

<><><><><><>

PM Advisor Meeting

प्रधानमंत्री हुंदे सलाहकार तरुण कपूर होरें कल सद्दी गेदी इक उच्ची सतह दी बैठक च जम्मू कश्मीर दी विकास यात्रा बारे समीक्षा कीती। मुख् सचिव अटल उल्लू हुंदे सने होरने आला अधिकारिणें बी बैठक च हिस्सा लैता। बैठक दरान मुख्-मुख् पनबिजली परियोजनाएं दे कम्मकाजें दा बी जायजा लैता गेआ जेहदे च पकल-डूल, किरू, क्वार ते रैटल पनबिजली परियोजना शामिल न। एहदे अलावा सलाहकार होरें प्रमुख रेल परियोजनाएं दे कम्में बारे बी समीक्षा कीती। जेहदे च उधमपुर-श्रीनगर-बारामुला रेल लिंक सनें नमें बनाए जा'रदे कोरीडोर जिआं जे काजीकुंड-बडगाम डबल लाइन, बारामुला-उड़ी, सपोर-कुपवाड़ा ते अनंतनाग-पहलगाम ते जम्मू-कटरा डबल लाइन शामिल न। इससै दरान शिड़कें सरबंधी ढांचे दा बी जायजा लैता गेआ ते जम्मू ते श्रीनगर च एम्स अस्पतालें बारे बी व्यापक समीक्षा कीती गई।

<><><><><><>

उधमपुर दियां डिप्टी कमीशनर सलोनी राय होरें बेली च नमें बनाए जा'रदे सरकारी मैडिकल कालेज दे इसलै जारी निर्माण कम्में दी प्रगति दा जायजा लैता। दौरे दरान डिप्टी कमीशनर होरें कम्में गी तोड़ चाढ़ने च पेश आवा'रदी दिक्कतें परेशानिएं गी तौले पुर करने पर जोर पाया। उनें मुत्तलका अजेंसी गी आखेआ जे कम्में गी समें सिर पूरा करने लेई जेकर डबल शिफ्ट लानी पोए तां इसी अपनाइयै समें दे अंदर अंदर पूरा करना जकीनी बनान। एह्दे अलावा डिप्टी कमीशनर होरें मुत्तलका अजेंसिएं गी रफ्तार दे कन्नो कन्नी उच्ची मयार जकीनी बनाने लेई बी निर्देश दित्ते।

<><><><><><>

Dy. CM BRO

जम्मू संभाग दे बीआरओ दे चीफ इंजीनियर ब्रिगेडियर आर.के.मिश्रा होरें कल उपमुख्यमंत्री सुरिन्दर चौधरी हुंदे कन्नै मलाटी कीती ते जम्मू खित्ते रु बीआरओ आस्सेआ चलाई जा'रदी शिड़क परियोजनाएं दे कम्मकाजै बारे जानकारी दित्ती। बैठक दरान ब्रिगेडियर मिश्रा होरें जम्मू खित्ते दे पीर पंचाल इलाके खास करियै मुगल रोड पर चला'रदेकम्में बारे जानकारी दित्ती। उपमुख्यमंत्री होरें गल्लबात दरान आखेआ जे परियोजना दी प्रगति च पेश आवा'रदी अड़चने दा तौले गै हल्ल कड़डेआ जा। उनें जोर देइयै आखेआ जे मुख्य शिड़क परियोजना च पेश आवा'रदी दिक्कतें दा तौले नबेड़ा बड़ा मता जरूरी तां जे सब्बै कम्में समें सिर मुकम्मल होई जान ते इनेंगी पूरा करने च मता चिर नेई लग्गे।

<><><><><><>

PAC

जम्मू कश्मीर विधानसभा दी पब्लिक उकांउट्स कमेटी नै कल बैठक लग्गी, जेह्दे च घरें मकानें ते शैहरी विकास सरबन्धी मैह्कमे दे बक्ख-बक्ख आडिट पारस पर चर्चा होई। एह् बैठक श्रीनगर आले विधानसभा परिसर च लग्गी। कमेटी दी अध्यक्षता शाम लाल शर्मा होरें कीती ते एह्दे च सारे मिंबर शामिल होए। बैठक गी संबोधत करदे होई अध्यक्ष होरें पैसे दा सेई ते पारदर्शी ढंगै सिर इस्तेमाल करने पर जोर पाया। उनें आखेआ जे पीएसी दा मकसद सरकारी खर्च दा आंकलन करना, कोताहिएं दा पता लान, जवाबदेई तैह् करना ते लोड़चदी कारवाई जकीनी बनाना ऐ।

<><><><><><>

Rudar Ganga Yatra

जिला विकास कौंसल दे अध्यक्ष डी.एस.कोतवाल होरें डोडा थमां रुद्र गंगा यात्रा गी झंडी दस्सियै रवाना कीता। एहदे च लोकें बड़े गै उत्साह कन्नै हिस्सा लैता। रवाना होने थमां पैहले पूजा अर्चना बी कीती गई। एह यात्रा चंडी धार देसा लेई रवाना होई। चेयरमैन होरें इस यात्रा दे आध्यात्मिक ते सांस्कृतिक महत्व गी उजागर कीती ते गलाया जे एह कार्यक्रम आगामी सौहार्द ते खित्ते दी समृद्ध सांस्कृति गी बढ़ावा दिंदे न।

<><><><><><>

CBP

राई-बाई दे पूरे पराते विकास सरबंधी एचएडीपी दे मिशन डायरेक्टर संदीप कुमार होरें समर्थ निर्माण बधाने आले 5 रोजा कार्यक्रम दा उद्घाटन कीता। इस कार्यक्रम तैहत समूलचे जम्मू कश्मीर थमां एफपीओ दे मुख कार्रकारी अधिकारी ते चेयरमैन हिस्सा लैंगन। एह कार्यक्रम एचएडीपी तैहत 7 जुलाई थमां 11 जुलाई तगर लोआया जा'रदा ऐ जेहदा मकसद जम्मू कश्मीर च राई-बाई आले खेतर च होर मती बेह्तरी आहनना ऐ। एह कार्यक्रम कृषि उत्पादन ते करसान कल्याण मैह्कमे ते स्कास्ट जम्मू दी मैनेज हैदराबाद कन्नै रलियै आयोजित कीता।

<><><><><><>

Treasury Taining

जिला ट्रेयरी दफ्तर किशतवाड़ आस्सेआ ड्राइंग ते डिसबर्निंग आफिसर ते डीलिंग असिस्टेंट लेई सिंगल नोडल एकाउंट समुचित प्रणाली अकाटिक शिघ्र हस्ताटेशन प्रोग्राम दा सफलतापूर्वक आयोजन कीता। एह सिखलाई कार्यक्रम खास तौर पर उंदे लेई हा जेहदे केन्द्र प्रोजाजित स्कीमें गी दिखदे न। एहदा मकसद फंड दा बेहतर समें सिर प्रबंधन जकीनी बनाना, प्रतिभागिएं गी एसएनए-सपर्श सरिस्ते कन्नै काकफ करोआना हा। जिला ट्रेयरी अफसर शोकत अली राथर होरें सिखलाई सत्र दी बगुवाई कीती ते माली प्रशासन गी मजबूत बनाने च एसएनए-सपर्श दी महत्वै आली भूमका पर लोह पाई।

<><><><><><>